



۱۹ فورال لندن دە «ایرانداتنیک پروبلم» آدینا کئچیریلن کنفرانساندا آذربایجان میلی جبهه سی نین ایفاده ائدیلن رسمی موقعی

سویوق ساواش بیتندن درحال سونرا کومونیزم- لیبرال دموکراسی قارشسی دورماسی اؤز یئرینی میلیتلرین اویانیشینا بوراخمیشدیر. اولوسلار آراسی مناسبتلره حاکم اولان ایده لوژیک یاناشما تاریخن قارانیقلا رینا بوراخیمیش و میلیتلر حاقلی اولاراق اؤز کیملیک و کولتورلرینی آنلاماغا باشلامیشدیر. اصلینده بو نوع تکامل ایستیقامتینه حاکیم اولان دیالکتیک روح داها اؤنجه ده موجودی ایدی. یعنی ۱۷۸۹- جی ایل بؤیوک فرانسای انقلابیندان سونرا سئکولار ذهنیت اورتایا چیخار چیخماز میلی دؤولت اولما ایسته یی سرعتله دونیا خالقیلاری نین گونده مینه اوتورموش و ۲۰- جی عصرین باشلارینا قده ر بیر چوخ میلی دؤولتلر قورولموشدور. لاکین ۱۹۱۷- جی روسیادا باش وئرن سوسیالیست انقلابیندان سونرا میلیتلشمه حرکتی نین سرعتی آزالمیش و ایده لوژیک جبهه لشمه لر میدانا چیخمیشدیر. سوویت لر بیرلییی داغیلاندان سونرا تکرار میلیت لشمه و میلی دؤولت اولما داغاللاری قابارماغا باشلامیشدیر. بیرلشمیش میلیت لره عضو اولان دؤولتلرین ساییی تکرار آرتمیشدیر. بو آرادا بونو دا سئویله مکده فایدا وار کی، تاریخن، اولایلارا بو جور ایده لوژیک یاناشما دؤولونده ده گونئی آذربایجاندا میلی حاق آنلایشینی آذربایجان میلی سیاستچیلری تاریخیمیزده جانلی توتماغی باشارمیشلار. ۲۱ آذر و پیشه وری اؤندرلینده باش وئرن ن حادثه سئویله دیکلریمیزین تشخیصی اوچون مناسب اؤرنک دیر. بو گون ایسه هم دونیا، هم اورتا دوغو یا هم ده ایرانا حاکم اولان مناسبتلرین ماهیتی فرقلی دورومدادیر. آوروپا بیرلییی دؤولتلر لاییک دؤولت اولما اؤزه رینه اصرارلارینی سوردورمک ده دیرلر. ۲۰۰۴- جی ایلده رومادا آوروپانین اوزون مدتلی گله جه یینی تاثیر آلتینا آلان بیر آنلاشما امضالاندى. مسلمان اؤلکه لردن یالنیز ترکیه نین قاتیلدیغی و امضاء ائتدیغی بو آنلاشما توره نینده بو اؤلکه لرین اوزون وعده ده سیاسی ایداره اولونما شکیلی معین ائدیلدی. بو اؤلکه لر دینین سیاستده ن ایری قالماسی اوچون آنلاشدیلار. مدرنیزمین داغاللاری بلکه بیر آز گئج، آنجاق هر حالدا اسلام اؤلکه لرینی ده اؤز تاثیر آلتینا آلمیشدیر. بو سبب ده ن ده اندونوزیا اؤرنینده اولدوغو کیمی بیر چوخ اؤلکه لرده ان طبیعی میلی حاقلاری اینکار ائدیلن میلیتلر بیر اویانیش مرحله سینه قدم قویموشلار.

اینسان حاقلاری نین و دموکراسی نین واز کئچیلمز پرنسیپلریندن بیرى ده میلی حاقلاردیر. میلی حاقلار اوغروندا ایراندایاشایان میلیتلرین یئنی بیر تاریخی مرحله یه گیردیکلرینه شاهد اولماقدا ییق. بو میلیتلرین حاقلارینی مدافعه ائتمک اوچون داخیلده و خاریجده قورولان مختلف تشکیلاتلار میلی اویانیش حرکتی نین گؤرونن ظاهر طرفی دیر. میلیتلرین میلی داوارانیشلاریندا، حادثه لره یاناشما طرزلرینده و میلی روحلاریندا ایسه بؤیوک بیر اویانیشین اورتادا اولدوغو بیر گرچکلیک دیر. بو اویانیش یارادا جاعی تاریخی حادثه لره بلکه گله جک زامانلاردا شاهد اولایله جه بیک.

بیز، آذربایجان میلی جبهه سی اولاراق گونئی آذربایجاندا میلی حاقلاریمیزی چاغداش، سوپل، اینسان حاقلارینا اویغون شکیلده و دموکراتیک یوللارلا مدافعه ائتمه یه چالیشیریق. بو سببدن ده اؤز میلی حاقلاریمیزلا باغلی اولاراق بعضی ملاحظه لرده بولونماق ایستردیک.

هر کسه معلوم دور کی، پهلوی فارس ایرقیچیلینه دایانان، اینسان حاقلارینا و میلیتلرین حاققینا حؤرمت ائتمه یین غیر اینسانیی بیر رژیم ایدی. پهلویلرین زامانیندا میلیتلرین روحونا ائله ضربه لر وورولموش کی، بو تخریباتی اورتادان

قالديرماق هله ده زامان طلب ائتمكده دير و بعضي ده جبران اولونماز. ايراندا انقلاب اولدو، رژيم دييشدى، لاکين پهلويلرين ميراثى اولان باشقا ميللتلرين حاققلارينا وحشيجه سینه حورمت سيزليک ائتمک داورانيشى دييشمه دى. فارس شوونيزمى نين پروگراملارى بو دفعه ده امت چيليك آدى ايله قد علم ائله دى. اسلامين ذاتيندا و ماهيتينده ميللتلرين حاققلارينا احترام چيسسى اصرارلا وورغولانسادا فارس شوونيزمى نين الينده اويونجاغا دؤنوشن دينى مقدسات دا ميللتلرين آسيميله ائديلمه سى اوچون بير وسيله اولموشدور.

آذربايجان ميللى جبهه سى، گونئی آذربايجانلا ايلگيلى اولاراق ايران آديله مجبور حالدا بيرلشمگه اينامى يوخدور، بلکه آذربايجان ميللى نين تاريخى تورپاقلاريميزدا آزاد سئچگيلرله اؤزو- اؤز طالعينى الده ائتمگه اينانير و اوج اساس پرنسيپى اؤزونه رهبر ائتميشدير: ۱- پارلمنت ۲- اجرا حاکميتى ۳- معاصر حقوق سيستمينه گؤره محکمه لرین يارانماسى.

بو اوج پرنسيپلرين منطقيندن يولا چيخاراق اؤزونه مخصوص استراتژی و مبارزه تاکتيکاسى معين ائدن آذربايجان ميللى جبهه سى سئکولار دوشونجه طرفدارى دير. ميللتيميزين دينى احتياجلارينا ساييلى اولماقلا، حورمتله يانشماقلا بيرليکده دينى اينانجلارين فارس شوونيزمى طرفيندن پيس نييتله آسيميلاسيون آلتى کيمى استفاده ائديلمه سینه شدتله قارشى چيخماقداييق.

آذربايجان ميللى جبهه سى بئله حساب ائدير کى، فارس شوونيزمى نين تخريباتينى انگلله مک اوچون ميللى ستم آلتيندا ياشايان بوتون ميللتلر بير يئرده معاصر اولمايان و غير اينسانى سياسته قارشى مبارزه آپارماليديرلار. اورتاق مظلوميته معروض قالدیغيميز اوچون بير بيريميزى داها راحت آنلايا بيله ريک. بو گون ايراندا ميللى ستم آلتيندا بوتون ميللى ده يرلرينى ايتيرمکده اولان ميللتلرين بيرينجى و گرچک متفقلىرى اؤزلى دير. يعنى تورک، تورکمان، عرب، بلوچ و کورد اولاراق فارس شوونيزمينه قارشى بيرليک جبهه سى تشکيل ائديلمه ليدير. غلبه نين تملينده ده بو بيرليک دوشونجه سينين و دويغوسونون اورتايا قويولماسى دورماقداير.

ياشانماسى ممکون اولان و اينسانى بير دونيانين برپا ائديلمه سى اوچون بو بيرلييه احتياج واردير. باشاريلار آرزوسيله

آذربايجان ميللى جبهه سى

۱۹/۰۲/۲۰۰۵

لندن